

Arrest de la Cour des  
Aydes contre les Com-  
missions de Monsieur le  
Prince sur le faict des  
aydes, tailles & gabelles.



A PARIS,

Par FED. MOREL, & P. METTAYER,  
Imprimeurs ordinaires du Roy.

M. DC. XV.

*Avec Privilege du Roy.*

Case

F

39

326

1615 fsc

THE NEW YORK  
LIBRARY

## ARREST DE LA COVR DES

Aydes portant defenses à toutes personnes de mettre ou faire mettre à execution aucunes Commissions decernées par Monsieur le Prince de Condé, sous le nom de sa Majesté pour faire leuer, diuertir & prédre les deniers des Aydes, Tailles, Gabelles & autres appartenās à sadite Majesté.

**S**VR la requeste presētee à la Cour par le Procureur general du Roy, contenant qu'il a eu diuerſes plaintes des Receueurs, Fermiers & Collecteurs des Tailles, Aydes & Gabelles, & habitans de plusieurs paroisses, de ce que sous le nom de sa Majesté, & de l'auctorité du sieur Prince de Condé, ils sont cōtraints en vertu de Commissions extraordinaires, de diuertir les deniers ap-

partenans au Roy, & les mettre es  
 mains de personnes priuees, qui  
 n'ont aucune qualité ny serment à  
 Iustice, pour estre employez selon  
 les ordonnances dudit sieur Prince,  
 Au grand preiudice de sadite Ma-  
 jesté, & à la foulle & oppression de  
 son pauvre peuple, qui est par ce  
 moyen cōtraint de payer deux fois;  
 Requerant qu'il pleust à la Cour  
 auoir esgard aux conclusions de sa-  
 dite requeste & y pouruoir: Veu la-  
 dite requeste, coppie de trois com-  
 missions, signees Guillemain, don-  
 nees au camp de Clermont, le dix-  
 neufiesme de Septembre dernier,  
 premier iour du present mois d'O-  
 ctobre. Autre coppie d'ordonnance  
 signee de Bernard, donnee à Noion  
 le dixiesme dudit mois de Septem-  
 bre. La matiere mise en delibera-

tion : La Cour a faict & faict tres-  
expresses inhibitions & defenses à  
toutes personnes de quelque quali-  
té & cōdition qu'ils soient, de met-  
tre ou faire mettre à execution les-  
dites Cōmissions decernees contre  
l'auctorité & seruice du Roy, pour  
faire leuer, diuertir & prendre les  
deniers desdites Aydes, Tailles,  
Gabelles, & autres appartenans à  
ladite Majesté, ne d'y deferer &  
obeir, directement ou indirecte-  
ment, en quelque sorte & maniere  
que ce soit, à peine d'estre declarez  
criminels de leze Majesté, & d'estre  
punis selon la rigueur des Ordon-  
nances, mesmes de repetition con-  
tre eux & leur posterité. Ordonne  
ladite Cour que Commission sera  
deliuree audit Procureur general,  
adressante au premier des officiers



des Elections & Greniers à sel, sur ce requis: pour informer de l'enuoy & port desdites Commissions, leuee & diuertissement desdits deniers, circonstances & depêdances, pour les informations faictes, rapportees, communiquees audit Procureur general, & veuës par ladite Cour, estre procedé contre les coupables ainsi que de raison: Et à ce que personne n'en pretende cause d'ignorance, que le present Arrest sera publié à son de trompe & cry publicq, par les carrefours de ceste ville de Paris, aux sieges desdites Elections & greniers à Sel de ce ressort, & aux profnes des Paroisses qui en dependent, à la diligence des Substituts dudit Procureur general esdits sieges; Ausquels elle enjoint ainsi le faire, & de la certi-

fier au mois de leurs diligences, à  
 peine contre chacun d'eux d'en re-  
 spondre en leurs propres & priuez  
 noms. Faict à Paris, en la Cour des  
 Aydes, le vingt-deuxiesme iour  
 d'Octobre, & prononcé aux gens  
 du Roy, le dix-septiesme Nouem-  
 bre, mil six cens quinze, Par Arrest  
 de ladite Cour donné les Cham-  
 bres assemblees ledit iour.

Signé,

BERNARD.

